



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

«07» հունիսի 2022թ.

ք. Երևան

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

ԱՐՁԱՆԱԳՐՈՒԹՅՈՒՆ թիվ 53-2022/15-Ա

Հարկ վճարողի գույքի վրա արգելանք դնող պաշտոնատար անձի՝ իր
իրավասությունների սահմաններում գործողությունների կատարմանը խոչընդոտելու
վարչական իրավախախտման գործի վերաբերյալ

ՀՀ պետական եկամուտների կոմիտեի իրավաբանական վարչության հարկադիր
գանձման և պարտավորությունների կատարման ապահովման բաժնի գլխավոր մասնագետ
Արտակ Գալստյանս, ղեկավարվելով ՀՀ հարկային օրենսգրքի 431-րդ հոդվածի 12-րդ մասով,
Վարչական իրավախախտումների վերաբերյալ ՀՀ օրենսգրքի 254-255 հոդվածներով, կազմեցի
սույն արձանագրությունը հետևյալի մասին.

Վահագն Մնջոյանը /անձնագիր՝ 001604990, հասցե՝ ք. Երևան, Տիգրան Մեծի փող.
37/14/ հանդիսանում է «ՖՈՈԻՐԵԻԹ-Չ» ՍՊԸ-ի /ՀՎՀՀ՝ 03542572/ տնօրենը:

«Հարկ վճարողի գույքի վրա արգելանք դնելու մասին» ՀՀ պետական եկամուտների
կոմիտեի նախագահի 27.04.2022թ-ի թիվ ԱՀ 80727 հանձնարարագրի հիման վրա 28.04.2022թ-
ի թիվ 80727 որոշմամբ արգելանք է կիրառվել «ՖՈՈԻՐԵԻԹ-Չ» ՍՊԸ-ի /ՀՎՀՀ՝ 03542572/
բանկային հաշիվներում առկա դրամական միջոցների վրա 2.055.637 դրամ գումարի չափով:
Բանկային հաշիվներում առկա դրամական միջոցների անբավարարության /կամ
բացակայության/ հիմքով 13.05.2022թ-ի թիվ 80727/1 որոշմամբ արգելանք է կիրառվել
դրամարկղում առկա կանխիկ դրամական միջոցների վրա՝ 1.467.169 դրամ գումարի չափով:

Ղեկավարվելով ՀՀ հարկային օրենսգրքի 434-րդ հոդվածի 2-րդ մասով, «ՖՈՈԻՐԵԻԹ-Չ»
ՍՊԸ-ի /ՀՎՀՀ՝ 03542572/ դրամարկղում առկա կանխիկ դրամական միջոցների գույքագրման,
ի պահ հանձնման, ինչպես նաև մուտքագրված և ելքագրված դրամական միջոցների շարժի
ուսումնասիրության նպատակով հարկ վճարողի գույքի վրա արգելանք դնող պաշտոնատար
անձի կողմից 13.05.2022թ-ին փոստային ծառայության միջոցով «ՖՈՈԻՐԵԻԹ-Չ» ՍՊԸ-ի /ՀՎՀՀ՝
03542572/ տնօրեն Վահագն Մնջոյանին է ուղարկվել 13.05.2022 թվականի Գրությունը, որով
առաջարկվել է գրությունը ստանալուց հետո եռօրյա ժամկետում, իսկ եթե Գրությունը ստանալու
օրվան հաջորդող 3-րդ օրը համընկնում է ոչ աշխատանքային օրվա հետ, ապա հաջորդող առաջին
աշխատանքային օրը ներկայանալ հարկային մարմին՝ «ՖՈՈԻՐԵԻԹ-Չ» ՍՊԸ-ի /ՀՎՀՀ՝ 03542572/
դրամարկղային գրքով /առկայության դեպքում/ ներկայանալ ՀՀ պետական եկամուտների
կոմիտեի իրավաբանական վարչություն՝ հարկ վճարողի դրամարկղում առկա կանխիկ
դրամական միջոցների գույքագրման և ի պահ հանձնման, ինչպես նաև մուտքագրված և
ելքագրված դրամական միջոցների շարժի ուսումնասիրության աշխատանքների
կազմակերպման նպատակով: Միաժամանակ նույն գրությամբ տեղեկացվել է Օրենսգրքի 431-

րդ հոդվածի 12-րդ մասով սահմանված՝ հարկ վճարողի գույքի վրա արգելանք դնող պաշտոնատար անձի՝ իր իրավասությունների սահմաններում գործողությունների կատարմանը խոչընդոտելու դեպքում Վարչական իրավախախտումների վերաբերյալ ՀՀ օրենսգրքով սահմանված կարգով խոչընդոտման փաստի արձանագրման վերաբերյալ:

Նշված գրությունը փոստային ծառայության միջոցով «ՖՈՈԻՐԵԻԹՉ» ՍՊԸ-ի /ՀՎՀՀ՝ 03542572/ տնօրեն Վահագն Մնջոյանի կողմից ստացվել է 16.05.2022թ-ին, սակայն չի ներկայացրել հարկային մարմին, չի ներկայացրել դրամարկղային գիրքը և չի ներկայացրել որևէ բացատրություն:

Միաժամանակ, ըստ «Հարկատու 3» ԷԿՀ-ի տվյալների՝ 25.04.2016թ-ին «ՖՈՈԻՐԵԻԹՉ» ՍՊԸ-ի /ՀՎՀՀ՝ 03542572/ ստացել է թիվ 1307 դրամարկղային գիրքը:

Նկատի ունենալով, որ «ՖՈՈԻՐԵԻԹՉ» ՍՊԸ-ի /ՀՎՀՀ՝ 03542572/ տնօրեն Վահագն Մնջոյանի վերը նկարագրված արարքը համապատասխանում է Վարչական իրավախախտումների վերաբերյալ ՀՀ օրենսգրքի 182.6-րդ հոդվածին, ուստի 30.05.2022թ-ին ՀՀ պետական եկամուտների կոմիտեում հարուցվել է վարչական վարույթ, որի մասին ծանուցագիրը 01.06.2022թ-ին հանձնվել է հասցեատիրոջը:

Չնայած այն հանգամանքին, որ նշված ծանուցագրով Վահագն Մնջոյանը պատշաճ կերպով ծանուցվել է վարչական իրավախախտման վերաբերյալ արձանագրության կազմմանը և նյութերի նախապատրաստմանը մասնակցելու համար սույն թվականի հունիսի 7-ին, ժամը 11:00-ին ՀՀ պետական եկամուտների կոմիտեի իրավաբանական վարչություն ք. Երևան, Սասունցի Դավթի 87 Ա 4-րդ հարկ 401 սենյակ հասցե ներկայանալու մասին, այդուհանդերձ չի ներկայացրել որևէ բացատրություն, ուստի սույն արձանագրությունը կազմվել է Վահագն Մնջոյանի բացակայությամբ:

Արձանագրությունը կազմեց՝

ՀՀ ՊԵԿ իրավաբանական վարչության

հարկադիր գանձման և պարտավորությունների

կատարման ապահովման բաժնի գլխավոր մասնագետ

Արտակ Գալստյան

Իրավախախտում կատարած անձ՝

«ՖՈՈԻՐԵԻԹՉ» ՍՊԸ-ի տնօրեն

Վահագն Մնջոյան

Ստացա մեկ օրինակը

ընդամենը -- էջ

**Սույն արձանագրության 2-րդ էջի դարձերեսին ներկայացվում են Վարչական իրավախախտումների վերաբերյալ ՀՀ օրենսգրքի 267 հոդվածով նախատեսված՝ վարչական պարասխանարկության ենթարկվող անձի իրավունքներն ու պարտականությունները*

*Վարչական իրավախախտումների վերաբերյալ ՀՀ օրենսգրքի 267 հոդված

Վարչական պատասխանատվության ենթարկվող անձի իրավունքներն ու պարտականությունները

Վարչական պատասխանատվության ենթարկվող անձը իրավունք ունի ծանոթանալու գործի նյութերին, բացատրություններ տալու, ապացույցներ ներկայացնելու, միջնորդություններ հարուցելու, գործի քննության ընթացքում օգտվելու փաստաթանի իրավաբանական օգնությունից. ելույթ ունենալու մայրենի լեզվով և օգտվելու թարգմանի ծառայություններից, եթե չի տիրապետում այն լեզվին, որով տարվում է վարույթը. գանգատարկելու գործով որոշումը: Վարչական իրավախախտման վերաբերյալ գործը քննվում է վարչական պատասխանատվության ենթարկվող անձի ներկայությամբ: Գործը կարող է այդ անձի բացակայությամբ քննվել միայն այն դեպքերում, երբ տվյալներ կան գործի քննության տեղի և ժամանակի մասին նրան ժամանակին ծանուցելու վերաբերյալ և եթե նրանից միջնորդություն չի ստացվել գործի քննությունը հետաձգելու մասին:

